

SARS YI TEKA TIRAKA LEYI A YI RI NA TISIGARETE LETI NGA RIKI ENAWINI.

Tshwane, 2 Mudyaxihi 2023 - Xipano xa nsindziso wo landzelela nawu lexi katsaka Vukorhokeri bya Xibalo bya Afrika-Dzonga, Vukorhokeri bya Maphorisa bya Afrika-Dzonga na Maphorisa ma Tshwane Metro va landzelerisile ku lumiwa ndleve hi ku yimisa tiraka leyi rhwaleke tisigarete leti nga riki enawini eBronkhorstspuit eka tiawara ta nampundzu ta Musumhunuko, ti1 Mudyaxihi 2023.

Tisigarete leti nga riki enawini ti tundziwile ku hundza hi le Beit Bridge laha ti tivisiweke hi ndlela ya mavunwa tanihi makamba ma tiya. Tiraka yi yimisiwile e Bronkhorstspuit. Loko yi tshuneleriwa, muchayeri u tsutsumile eka mbono wa ndhawu naswona tiraka na nhundzu ya yona swi khomiwile. Tiraka a yi khomile tikheyisi letikulu ta 1 000 ta tisigarete leti nga riki enawini leti nga na nkoka wa ndzahlekelo wa xibalo wa R20 million. Tiraka na leswi nga ndzeni ka yona swi yisiwile eka vuhlayiselo byo hlayiseka bya SARS. SARS yi ta endla mimpaluxo yo engetelela loko vulavisisi byi yi le emahlweni.

Khomixinara wa SARS Ttn Edward Kieswetter u humeserile ehandle ku khensa ka yena eka xipano lexi landzeleleke hi vurhonwana vuxokoxoko lebyi xi nyikiweke byona. U te" Ndzi rhandza ku humesela ehandle mikhenso eka vaakitiko va Afrika-Dzonga vo rhandza tiko ra vona lava nyikeke nsindziso wo landzelela nawu vuxokoxoko bya nkoka lebyi fikiseke eka ku tekiwa ka tiraka leyi khomeke tisigarete leti nga riki enawini. Tiko ri le ku lweni na ntungu wa tisigarete leti nga riki enawini, leti ngungumerisiwaka ku suka eka tiko akelani, hi mbono wo ka wu nga rhurhisi vatumbuluxi lava nga enawini ntsena kambe no kayeta nkwama swibalo hinkwaswo leswi kolotiwaka. Hungu eka tikhurhuku leti nghenelelaka eka bindzu leri ra swa vugevenga hi leswaku a hi nge karhali ku ti tshunelela no tirhana na tona. Xikombelo xa hina xo twala i ku landzelela kumbe u hlangana na switandzhaku".

Ku kuma vuxokoxoko ku ya mahlweni, u komberiwa ku tihlanganisa na SARSMedia@sars.gov.za